

کتابخانه

۱۳۳۰

آدره من تبدیلنده آریجه
 ه غروش کوندرملیدر.

مکتوبلرک امضاری واضح
 و اوقوناقلی اولسی و آبونه
 صره نومروسی محتوی
 بولونمسی لازمدر

ممالک اجنیه ایچون آبونه
 اولانلرک آدرسلرینک
 فرانسزجه یازلمسی رجا اولنور.

پاره کوندردلیکی زمان نهیه
 دائر اولدینی بیلدیرلمسی
 رجا اولنور

اتبعون اهدکم سییل الرشاد

صاحب و مدیر
 اشرف ادیب

باش محرر
 محمد ماکف

والله یهدی من یشاء الی صراط مستقیم

آبونه شرائطی : هریر ایچون
 سنه لکی (۴۰۰) آلتی آیلنی
 (۲۲۵) ممالک اجنیه ایچون
 سنه لکی (۴۵۰) ، آلتی آیلنی
 (۲۵۰) غروشدر.

نسخه سی ۷,۵ غروشدر .
 سنه لکی ۵۰ عدددر .

اداره خانه : باب عالی جاده سنده
 رشید افندی خاندنه

اخطارات
 آبونه بدلی پشیندر .

مسئله موافق آثار مع المنونیه
 قبول اولنور . درج ایدله بن
 یازیله اعاده اولماز .

بوگونک مهم حاجت‌لرینه دأر تدبیرلر

موسی جبارالله افندیگ بولشوریکلرجه موجه ترقیعی اولاره کتابنده
 (۳۹) مهم علمای اسلامییه بی محکمهلر حضورنده حمایه ایتمک ایچون
 امور دینه نظارتی مأمورنده برهیت محامیه بولونور. بوگونکی حادثه لره ،
 بوگونکی فتنه لره کوره بو ، غایت ضروری ، اهمیتلی ، بویوک برتدبیردر .
 (۴۰) امور دینه نظارتی نژدنده برده حقوق مشاوره بولونور .
 بو مشاور ، نظارتک ایشلری مدافعه ایدر ؛ نظارتک مدا کره لرنده ،
 قرارلرنده دولتک قانونی نقطه سندن کندیسیله مشاوره اولنور .
 (۴۱) دینه نظارتی حکومت شعبه لرینک ، دولت اداره لرینک
 هر برینک غزته لرینی ، مجموعه لرینی ، بوتون نشریاتلرینی مطلقاً آلره ق
 سیاستدن ، زمانک احوالندن منتظماً هر وقت خبردار اولور . دینلره ،
 مسلمانلره ، شرق مسئله لرینه دأر حکومتک بوتون قرارلرینی بالعموم
 منسوبین علمیه یه تبلیغ وایضاح ایدر .
 زمانک فوق العاده اهمیتته کوره شو تدبیر هر حالده مفید ، بلکه
 ضروری برتدبیردر . نظارت دینه اعضالرنده بر آز همت ، بر آز اهلیت
 بولونسه یدی مکتب معلملری ، محله اماملری واسطه سیله روسیه مسلمانلرینه
 هر وقت کوزل معلومات ، قوتلی بر حرکت ویزه بیلیردی .
 (۴۲) دینه نظارتی کندیسنه مخصوص اولوق اوزره بویوک بر مطبعه
 تأسیس ایدر . دینی ، ادبی ، علمی کتابلری طبع ایدوب روسیه مسلمانلرینه
 نشر ایدر .
 (۴۳) دینه نظارتی موقوت بر محله نشر ایدر . نظارتک قرارلرینی ،
 حسابلرینی ، مخبره لرینی ، اعلانلرینی ، تدبیرلرینی ، الحاصل منسوبین
 علمیه یه علاقه دار ایدن بالعموم معلوماتی درج ایدرک روسیه مسلمانلرینک
 مصلحتلرینی و دینی حاجتلرینی تأمینه خادم اولور .
 (۴۴) فحش کی ، مسکرات کی مفسد و مهلک حراملرک هر بری
 ممکن اولان یوللر و مؤثر چاره لره تماماً منع اولونه زق مسلمانلرک
 حیات اجتماعی لرینک تهذیبه دینی اداره لر و محله اماملری هر وقت
 نظارت ایدر .
 بووظیفه هر زمان علمیه نک اک بویوک ، اک اهمیتلی وظیفه لریدر .
 بالخاصه شو حریت کونلرنده ، اجتماعی و اخلاقی انقلاب زمانلرنده . . .
 فحش کی ، داء الکئول کی مهلک خسته لقلرک سریع و مدهش بر صورتده
 سرایت ایتمکده اولدقلری دقیقه لرده بو تدبیرک اهمیت قات قات آرمشدر .
 آداب و شعائر اسلامییه محبتی و احترامی اولان اسلام علمایی
 بوگونکی وظیفه لرینی تقدیر ایدرک حرکت ایتمهلر ، چالیشوب اوغراشهلر
 نه قدر کوزل اولور . بوکی خصوصاً لازم کن تدبیرلری انخاذا ایتمک
 آنالرده ، آنالرده ، جماعت خادم لرینه ده ، ملت رهبر لرینه ده اک
 متحنم وظیفه در .

(۴۵) جامعلرک مقدس منبرلری خلقک منوی و اجتماعی عدالینه
 یکنه منبع اولدینی جهته دینه نظارتی جامعلرک ، مسجدلرک محرابلرینی ،
 منبرلرینی اصلاح و احیای ایتمک ایچون ممکن اولان یوللرک هر برینه
 مراجعت ایدر .

منبرلر احیای قیلیرسه اهل اسلامک و خودی جانلانیر ، دماغلری
 کسب صفوت ایدر ، ایمانلری نورلانیر ، قلبلری جسانته نیر .

(۴۶) محاربه نک بوگونکی نتیجه لری ، انقلابک بوگونکی دهشتلری
 بزم بوتون قصور لرمنی غایت آچیق اوله ق میدانه چیه ساردی . اک
 بویوک قصورمن علم یوقانی ، مکتب یوقانی ، اقتصاد جهتیله ، بلکه
 هر جهته فقیرلک ، ضعیفک . . .

بوندن سوکره تربیوی ، اجتماعی ، اقتصادی ، دینی احوالمری
 اصلاح ایده بیله جکسه ک اک مفید ، اک طوغرو یول شودر :

ا — قولای اصولی ملی ابتدائی مکتبلریمزی تعمیم ایتمک .

ب — چوجقلریمزی مدنیت دنیاسنک اورتیه مکتبلرنده ، بویوک
 کلیه لرنده ، علوم و صنایع مؤسسه لرنده یتیشدیروب اقتصاد ایشلرینه ،
 حیات یوللرینه ، دولت اداره لرینه حاضرلامق .

بو یولده حرکت ایدرسه ک ، مکتب و مدرسه لریمزه مقتدر معلملر ،
 مدرسلر ؛ محله لریمزه و دینی اداره لریمزه مقتدر اماملر ، مقتدر طالملر ؛
 ملی خدمت لریمزه وجدانلی ، بصیرتلی خادملر ؛ سیاسی حرکت لریمزه قوتلی ،
 ثباتلی رهبرلر ؛ ادبی ترقیاتیمزه بویوک روحلی ، صاف الهاملی ادیبلر ،
 شاعرلر البته یتیشیر .

محاربه نتیجه لری ، انقلاب طوفانلری کوزلریمزی آچدی ، بوتون
 قصور لریمزی کوزلریمزک اوکنه قویدی . بوگون بزه جمهوریت حقو قلری ،
 مختاریت حریتلری و بریلدی ، دیهلم . لکن میدانده ایش آداملری
 یوق . بونی اعتراف ایدلم . بناء علیه :

(۴۷) مدنیت دنیاسنک علوم ، معارف ، صنایع ، هنر مکتبلرنده
 بویوک کلیه لرنده ملت چوجقلرینی یتیشدیروب اقتصاد ایشلرینه ، حیات
 یوللرینه ، دولت اداره لرینه حاضرلامق بوگونک اک برنجی وظیفه سیدر .
 بوگونکی ضروری وظیفه لرک اک بویوک اولوق اوزره ملت بو
 خصوصاً چالیشیر ، بوکا مخصوص سرمایه تشکیل ایدر ، تدبیرلر انخاذا
 ایدر ، یوللرینی تأمین ایدر . روسیه مسلمانلری ده ، تورکستان مسلمانلری ده
 باشقیرده ، قازاق مسلمانلری ده بو خصوصاً بویوک برجدیت ، قوی
 برعزم ایله حرکت ایدرلر .
 « بو فصل یتیمه مشدر »

سبیل الرشادک هر قارئ لائل ایکی کیشی یی دها آونه قید ایدرسه مجموعه مزک
 نشری خصوصاً نک بویوک لطفده بولونمش اولورلر .